

Pokiwy k trjebanju knižki

Z přenja wobkedźbuj wšo to derje, štož je tu napisane: njedh je to modlitwa, njedh je to přispomnjenje.

Z druha čiań wšo tak, kaž sebi to Cyrkej při jeje modlenju žada.

Knižka je wosebje za zhromadne Bože služby napisana, to rěka: měšnik a lud so pak wotměnjejo pak zhromadnje modlitaj.

Cyrkej so modli při zhromadnej Božej službje po wosebitym wašnju: modli so liturgiscy, to rěka: modlitwy so rěča w krutym porjedže a ze žadanej přistojnosću: jasnje a wuraznje, jakož by khwalba Boža jenož z jenocho horta k njebju stupała.

Nawjednik wupraja modlitwy ze srěnim hłosom, nic přehłuboko, nic přewysoko, a wšitcy zhromadźeni zapadnu do samsneje wyšiny hłosa.

Jeničcy při smužkach srjedź sadow a wotrězkow maš wodychnyć, hewak nic. Tajka modlitwa runja so morjej, kiž so w stajnych žołmach pohibuje.

Rěčeć ma so běžnje, nic pak khwatajcy.

Rěč swjatočnje, nic pak wostudliwje.

Před Bohom stój a kleč runje, budź sebi wědomy, zo sy młody wojak Khrystusowy. We ławcy klečo wotpočujetej jeničcy rucy, nic pak łohći na descy. Poklaká so z prawym kolenom, zo zemju dótknješ, so rozemi, tež z runym čěłom.

Ze swjećenej wodu a při modlitwach so přistojnje a widžomnje pokřižuj. K swjatomu woprawjenju přistup ze styknjenymaj rukomaj.

Při zhromadnych Božich službach maja so ławki wotprědka sem dospołnje wobsadzić, na žadyn pad rozbrójenj po cyrkwi sydać.

Stanjenje a sydnjenje a klaknjenje njedh so zasobu a mjelčo na jedyn raz stanje — derje je, hdyž nawjednik z porstom na ławku klepnje jako znamjo.

Tak čiań a budź kedźbny, zo njezmyliš. Runje z raznosće a dospołnosće tutech zwonkownych předpismow při Božich službach wukhadža swjatosć a móc a wulkosć zhromadnoho modlenja.

Gloria Dei — Khwała Bohu.

Skrótčenk: M = měšnik. L = lud. N = nawjednik.
Z = zhromadźeni. 1. = 1. strona. 2. = 2. strona.
† = pokřižuj so. o = pokhil hłowu.